



Universitätsbibliothek Paderborn

Nucleus Practici Tractatus, De Legibus

Marchius, Ewald

Coloniæ Agrippinæ, 1660 [erschienen] 1661

Cap. XXVI. De potestate dispensandi. Quotuplex sit hæc potestas, & qualiter ea competit Episcopis, & alijs circa Leges superiorum, ac illis, qui habent potestatem delegatam.

urn:nbn:de:hbz:466:1-42256

C A P U T XXVI.

De Potestate Dispensandi.

*Quotuplex sit haec Potestas? & qualiter encom-
petat Episcopis? & alii, circa LEGES
Superiorum? Ac illis qui habent
potestatem delegatam?*

Hæc Potestas, distinguitur in Ordina-
riam & Delegatam. Ordinariam ha-
bet, qui LEGEM tulit; quia ab eis
voluntate & potentia dependet. Idem est de
Superiore illius, dummodo formaliter sit
Superior in Jurisdictione. Unde Papa potest
Dispensare in LEGE Episcopi, ac toto Jure
Canonico; imo etiam in quacunque LEGE
Apostolicâ Humanâ, ut docet S Thomas
quodlib. 4. art. 13. Et Covarruvias 2.p. cap. 6.
cum multis aliis.

Episcopus autem, non potest Dispensare
in LEGE Papæ, vel Concilii nisi in casibus
sibi concessis. Clement. ne Romani de E-
lect. cap. Inferior de major: & Obed. Co-
varruvias in 4.p.z. Rebuffus, Panormitanus,
Cajetanus, Sylvester, & alii.

In quibus vero casibus, censeatur Episco-
pis data Potestas Dispensandi in LEGE Su-
perioris, docet Cajetanus in 1.2.q.91.art.4.

Quo

Quorum Primus. Quando Jus ipsum, talem potestatem concedit, quod saepe fit, per aliquam clausulam generalē, ut in Conc. Trident. sess. 24. cap. 6. Ideoque, quando in LEGE Pontificia additur, ut in eā possit Dispensari, eo ipso intelligi, Dispensationem committi Episcopo. Ita communiter Canonistæ, quos citat Suarez:

Secundo: Intelligitur facta hæc concessio Episcopis, ex rectâ ratione interpretante voluntatem superioris: ut, quando materia est levis, & parui momenti, ita, ut LEX non obliget ad mortale; & quando mandatum non estrigorosum, sed simplex statutum:

Similiter in iis, quæ frēquenter occurunt, præsertim quando talis Dispensatio ordinatur ad bonum animæ, & ad tollendum vinclum conscientiæ, aut periculum peccandi. Unde in his frequentib⁹ admitti posse Regulam propraxi quotidie occurrentem: *Episcopum posse Dispensare in his omnibus si in non prohibitis*, concudit ex Cajetano, Navarro, Ledesma, P. Suarez lib. 15. de LEGIBUS cap 14. num. 9. in fine:

Tertio: potest Episcopus Dispensare, in illis LEGIBUS, quæ licet emanent à Papâ, non sunt tamen pro totâ Ecclesiâ, sed pro tali Provincia, Episcopatu, vel communi-

nitate sibi subjectâ. Quod intellige , si nequeat sine Discommodo, Dispensatio petiab Auctore LEGIS , & si talis sit consuetudo. Ita Suarez loco citato num. 10.

Quarto concessa videtur, haec Dispensandi Potestas , in casibus extraordinarijs, quando necessitas revera magna est, & est periculum in morâ, vel impotentia adeundi Papam. Tunc enim ex rationabili interpretatione voluntatis Papæ , censetur Episcopus habere Potestatem Dispensandi , ut tradit Sanchez lib.2.de Matrim. disp. 4 & lib. 8 disp. 9 Panormitanus, Sylvester, Felinus, Rebuffus, & communiter Doctores.

Quibus addenda est consuetudo, optimi LEGUM interpres, & quæ ad Jurisdictionem acquirendam sufficit.

Parochi vero , & Animarum Curatores, quamvis non habeant ordinariam Jurisdictionem Fori externi, etiam voluntariam, ad quam pertinet Potestas Dispensationis, nec inveniatur Jus, illam tribuens. De consuetudine tamen, solent Dispensare, in casibus particularibus occurrentibus, in quibusdam frequentioribus præceptis, ut Jejuniis, Festorum observatione, quo ad vacandum ab operibus. Quæ consuetudo, ubi fuerit, servari poterit in LEGIBUS, circa quas fuit intro-

introducta : non autem extendi ad similes :
quia est Juri contraria. Suarez li. 6. de Leg.
cap. 14 num. II

Quo ad Potestatem Delegatam in Dispensando, de qua supra dictum : Sciendum, aliquando Directam Jurisdictionem, immediate ipsi Delegato dari; aliquando vero dari facultatem, ei, qui Dispensandus est, ut eligat Personam, à quā possit Dispensari, ut in Delegatione Jurisdictionis, pro Sacramento Confessionis, & Dispensatione votorum.

Quando igitur, datur facultas Dispensandi cum aliquo, in particulari, tunc hæc concessio aut Delegatio, sive Dispensatio, est stricti Juris. Ita Sylvester, Angelus Francus, & alii Canonistæ.

Si vero, Delegatio Potestatis Dispensandi in aliquā L E G E, generaliter facta fuerit, quo ad Personas, sine illarum expressione; tunc Dispensatio dicitur esse favorabilis, & latè interpretanda. Ita Covarruvias, Sanchez, & alii, quos refert Suarez lib.

6. de Leg. cap. 17.

num. II.

* *

K 7

CAPUT